

To dearest Deir al Qamar

To dearest Deir al Qamar

الشعر حلوا! بس بضل شعر. وما حدا احسن منك كلامي للكل، بس اليوم عمدتو جِّهك بسبب يلي قريناه من فترا عند احدهم من الاصحاب الديارنة، عمبشيد بالجامع حد الكنيسة انو ليكوا الرسالة والتعايش...

وضعية الجامع بدير القمر _

(ل يلي ما بيعرف، عملياً "منظر" تابع للوقف السني مش اكثر لأن ما في نفوس سنة بالمدينة / خمسين صوت ع تسعة الاف) _

هو اثبات فشل الانصهار والعيش المشترك. ووضعية هالجامع بتذكرنا بكثير كنايس بلبنان حيث المسيحيين بس نفوس وقبور... "كمان" "منظر"...

طبعاً نحنا دعاة للتعايش جنباً الى جنب بالبلد (ضمن فدرالية) أو كبلدين أو أكثر مثل تشيكيا وسلوفاكيا.

بس الحقيقة هي انو فخر الدين عاش كشبه - مسيحي وحكم كمسيحي وانفتح بالغرب وتعمد سنة ١٦٣٤. وبشير الثاني خلق وعاش واشتغل سياسي كمسيحي. مشان هيك

عمر بشير ببيت الدين، تبيعد عن الضغط الدرزي يلي كان موجود لمن كان في دروز بدير القمر، يعني قبل ١٨٦٠. (وشرعاً كانت الإمارة سنّية وكان يقطنها سنة لانها عاصمة _ لهيك في جامع).

بكل محبة بقول انو عمبز عل عالشعار الحلوة المبنية ع سرديات ما أدت سوا لحروب وقتلى ودمار وتهجير، والدير والشوف أكلوا نصيبين كذا مرة من سنة ١٥١٦ وجايي... تما نحكي ايام العباسيين وقتا تم افراغ الشوف سنة ال ٨٠٠ واجو الدروز سنة ١٠٢٠ لقيوه فاضي... ع حد قول مؤرخين.. وايه مؤرخين مش عمبكدبوا...

هاي خبرية القبة غامرة المأذن طلعت فالصو وهيدا شي طبيعي، مثل قصة مار جرجس ومسجد الأمين،

ما في كينونتين سوسيولوجيتين يعيشوا تحت سقف قانوني واحد،

إلا إذا واحد ع حساب ثاني، وواحد مكسور الراس.

وهون الجامع "مكسور الراس" من سنة ١٨٦٠... من بعد ما تم إنهاء الحكم الشهابي يلي كان سنّي قانونياً ودرزي اسمياً ومسيحي عملياً... وبقي الجامع لوحده...

حرام نكفي نذر رماد بالعيون بنجاح التجربة التماذجية ولو عن غير قصد ولو كانت النية طيبة...